

ՆԿԱՐԻՉ ՀՈՎՀԱՆՆԵՍ ԵՐՈՒՍԱՂԵՄԱՑԻՆ ՆԳԻՊՏՈՍՈՒՄ՝

Ն. Գ. ՄԻՔԱՅՆՅԱՆ

Կոպտական (ղպտի) եկեղեցու և ժողովրդի շուրջը մեծ հետաքրքրություն առաջացավ XVIII դարի վերջերից սկսած, հատկապես Նապոլեոնի Եղիպտոս կատարած հայտնի արշավանքից հետո. եվրոպացի և տեղացի պատմաբաններն ու արվեստագետները սկսեցին հրատարակել բազմաթիվ դրքեր (ֆրանսերեն, անգլերեն և արաբերեն) հիշյալ ժողովրդի և եկեղեցու մասին:

XIX դարի վերջերին անգլիացի պատմաբան Ալֆրեդ Բատլերը Օքսֆորդում լույս ընծայած «Եգիպտոսի կոպտական հին եկեղեցիները» վերնադրով երկու հատորանոց իր դրքում² բավական մանրամասն խոսում է այդ եկեղեցիներում դոմինոյ սրբանկարների մասին, առանց, սակայն, նրանց հեղինակի անունը տալու:

Ղպտի քահանա Շընուդա Հաննան իր գրքում³ նույնպես տալիս է Հովհաննեսի մի քանի նկարների լուսանկարը, համառոտ կերպով խոսում է այդ նկարների մասին, սակայն չի տալիս նկարչի անունը, պարզապես ցույց շտալու համար, որ դրանց հեղինակը եղել է օտարական:

Կոպտական թանգարանի հիմնադիր, նրա առաջին դիրեկտոր, կոպտական արվեստի գիտակ Մարկոս Սիմայկա փաշան առաջիններից մեկը եղավ, որ 30-ական թթ. Կահիրեի Կոպտական թանգարանի և եկեղեցիների մասին իր հրատարակած արաբերեն երկու հատորանոց կատալոգում⁴ և ապա ֆրանսերեն հատորում⁵ գրեց և հիշատակեց Հովհաննես նկարչի մասին, նշելով նրա ազգային պատկանելությունը:

Ապա անգլիացի գինավորական երկու օղաչուններ՝ Քաութրա Մուլոթը և Մարտին Տելզ Լանգդոնը այցելելով Եգիպտոս, հին Կահիրեի կոպտական եկեղեցիներում տեսնում են հայազգի Հովհաննեսի և նրա ղպտի ընկերոջ՝ Բբրահիմի սրբանկարները, վերցնում են լուսանկարներ և լոն-

1 1948 թ. ամռանը, երբ որոնումներ էինք անում հին Կահիրեի Կոպտական թանգարանում, մեր ուշադրությունը գրավեցին մի քանի գեղեցիկ սրբանկարներ, որոնց ոճին հար և նման բազմաթիվ նկարներ հետազայում տեսանք նաև նույն թանգարանի անմիջական մոտակայքում գտնվող մի քանի կոպտական եկեղեցիներում: Մեր ուրախությունը մեծ եղավ հատկապես, երբ նկատեցինք, որ այդ սրբանկարներից շատերի տակ կա նկարչի կողմից գրված հիշատակարան: Արվեստագետն իր նկարած բազմաթիվ գործերի վրա արաբերեն հստակ տեղեկություններ է թողել իր անվան, ազգային պատկանելության, ինչպես նաև սրբանկարների թվականի, բովանդակության, պատվիրատուների անվան մասին և այլն:

Հայազգի նկարիչ Հովհաննեսը եղել է բազմադրյուն և տաղանդավոր մի արվեստագետ, որի գործերից լավ վիճակում մինչև այսօր պահպանվել են մի քանի հարյուր սրբանկարներ: Դրանցից ավելի քան հարյուրը մենք անձամբ տեսել ենք վերոհիշյալ եկեղեցիներում, պատերից կախված: Այդ նկարների մեծ մասի լուսանկարները, չափազանցները և այլ տեղեկություններ հայրենիք վերադառնալիս բերել ենք մեզ հետ:

² Alfred J. Butler, The Ancient Coptic Churches of Egypt, in two volumes. Oxford, 1884. Vol. I, էջ 219, 221, 222, 223, 225 և հա.:

³ Rev. Shenouda Hanna, The Coptic Church of El-Moallaka and others at Old Cairo. Cairo, Egypt, 1945. Fifth edition, էջ 71, 74, 75, 76.

⁴ دليل المتحف القبطي وأهم الكنائس والأديرة الاشرية بفلم مرقس سميكة باشا. الجزء الاول. ١٩٣٠ (١٩١ էջ) الجزء الثاني. ١٩٣٢ (٤٣ 30... էջ)

⁵ Marcus H. Simatka Pacha, Guide Sommaire du Musée Copte et des Principales Eglises du Caire. Le Caire, 1937, էջ 47, 58, 60, 72, 76, 77, 81.

դոն վերադառնալով հրատարակում «Յուհաննայի և գրագիր Իրրահիմի սրբանկարները» դիրքը⁶, նրանք այս գրքում տալիս են սրբապատկերների մի փոքր զուգավոր և 20 մեծածավալ սևով-սպիտակ լուսանկարներ, 200-ամյա նկարների վրա հրավիրելով ընդհանրապես նվիրական և մասնավորապես անպիտան աշխարհի արվեստագետների ուշադրությունը:

Հայտնի արաբագետ և Ալեքսանդրիայի ազգային դպրոցի տնօրեն Հակոբ Նալբանդյանը, որ հետազայում ներգաղթեց հայրենիք, վերոհիշյալ անգլիացիների հրատարակած գրքի առթիվ 1946 թ. հանդես եկավ մամուլում, Հովհաննես նկարչի մասին գրելով. «...XVIII դարուն ապրող Իրրահիմ Յուհաննայի ինքնատիպ նկարները արդիական արժեք մը կստանան հանկարծ»⁷:

Հայազգի արվեստագետներից առաջինը կահիրեական հայտնի նկարիչ Օննիկ Ավետիսյանն է, որ Բեյրութում Վահե Վահյանի հրատարակած «Անի» ամսագրի 1948 թ. նոյեմբեր ամսի համարում լույս ընծայեց մի հոդված Հովհաննես նկարչի անձի և նկարների արժեքի մասին: Հետագայում, 1959 թ., Օ. Ավետիսյանը Հովհաննես նկարչի մասին գրեց «Հայ նկարիչներ և քանդակագործներ»⁸ վերնագրով իր ծավալուն և շատ արժեքավոր աշխատության մեջ, որ լույս ընծայվեց Ֆրանսերեն: Բազմաթիվ հայ արվեստագետների շարքում այս գիրքը միջազգային ասպարեզ հանեց նաև մեր հայրենակից Հովհաննեսի գործն ու կյանքը, թեպետև սեղմ և ամփոփ գծերով: Հեղինակն այստեղ տվել է նաև Հովհաննեսի գործերից շորսի լուսանկարները:

Արվեստարան Վահան Հարությունյանը, խոսելով Ավետիսյանի վերոհիշյալ աշխատության մասին, իր գրախոսականում գրում է. «...կան ուշագրավ ընդհանրացումներ, որոշ նորություններ, դրանց թվում՝ XVIII դարի եգիպտահայ նկարիչ Հովհան[նա] էլ-Արմենիին վերաբերող հատվածը, նրա գործերի բազմազույն ու մենագույն վերատպությունները,—մի իսկական հայտնություն գաղութահայ կերպարվեստի պատմության մեջ»⁹, իսկ բանասեր Մանվել Բարլոյանն իր հրատարակած գրքում անցողակի հիշում է Հովհաննես նկարչին, բերելով Ավետիսյանի գնահատականը նրա մասին¹⁰:

Նշված գրականության և անձամբ մեր հավաքած նյութերի հիման վրա մենք այս հոդվածում կաշխատենք ամբողջացնել Հովհաննեսի դիմագիծը, ի մի հավաքելով նրա մասին մեր ունեցած բոլոր տեղեկությունները:

Հովհաննեսը ծնվել, գործել և մահացել է XVIII դարում: Իր նկարած բազմաթիվ սրբապատկերների տակ նա թողել է նկարների ստեղծման թվականը, որով հայտնի է դառնում իր աշխատանքային տարիների սահմանագիծը: Չեռքի տակ եղած տվյալներով պարզվում է, որ նրա ամենավաղ նկարները կրում են 1745 թ., իսկ ամենաուշ շրջանը կազմում է 1783 թ.: Ուստի կարելի է ասել, որ նա 38 տարվա մի ժամանակաշրջան ստեղծագործել է հին Կահիրեի կոպտական միջնադարյան եկեղեցիներում և վանքերում, պատերը զարդարելով մեծ ու փոքր սրբանկարներով: Միաժամանակ պետք է նշել, որ 38 տարին Հովհաննեսի գործունեության վերջնական թիվը չէ: Հավանաբար նա ավելի երկար ստեղծագործած լինի: Գուցե նկարել է այլ նկարներ ևս, որոնք այժմ կորած են: Եվ, ի վերջո, պետք է խոստովանել, որ մենք հնարավորություն չունեցանք այցելելու Կահիրեի և հին Կահիրեի, հատկապես Վերին Եգիպտոսի կոպտական միջնադարյան բոլոր վանքերն ու եկեղեցիները, որպեսզի կարողանայինք կազմել Հովհաննեսի թողած ժառանգության լրիվ ցուցակը:

1745 թ. համարելով Հովհաննեսի ստեղծագործական աշխատանքի սկիզբը, կարելի է ենթադրել, որ այդ ժամանակ նա կլինեի շուրջ 28—30 տարեկան¹¹: Ուստի նա ծնված պետք է

⁶ Cawthra Mulock, Marlin Telles Langdon, The Icons of Yuhanna and Ibrahim the Scribe, London, Nicholson and Watson, 1946.

⁷ «Արաքս» շաբաթաթերթ, Ալեքսանդրիա, 1946, 2 նոյեմբերի, տե՛ս «Նկարչի մը մասին լուսարանություն» հոդվածը:

⁸ Onnig Avedissian, Peintres et sculpteurs arméniens. Le Caire, 1959, էջ 116—120:

⁹ «Սովետական արվեստ», 1961, № 5, Երևան, էջ 47, տե՛ս «Հայ արվեստագետները մի «սեղանի» շուրջ» գրախոսականը:

¹⁰ Մ. Բարլոյան, Սփյուռքահայ մամուլի պատմությունից, «Անի», Երևան, 1965, էջ 179:

¹¹ Չենք կարծում, որ ավելի երիտասարդ լինելը, քանի որ կոպտական եկեղեցին պետք է հրավիրած լինեի Հովհաննեսին, երբ նա արդեն հասուն և ճանաչված նկարիչ էր: Այսպիսի տրամադրություն են թողել մեր վրա նրա 1745, 1747 և 1748 թթ. սրբապատկերները:

լինել մոտավորապես 1715—1717 թթ.։ Հովհաննեսը մահացած պետք է լինի 1783 թ. և կամ ավելի ուշ, ուրեմն նա ապրած պետք է լինի 68 կամ մի քանի տարի ավելի։

Նկարիչը բազմաթիվ պատկերների տակ իր անվան կողքին գրել է «հայազգի» բառը, որով ոչ մի կասկած չի մնում նրա ազգային պատկանելության մասին։ Դրանից բացի, բազմաթիվ նկարների տակ գրել է նաև «Երուսաղեմացի» բառը, որով պարզվում է, որ նա պետք է ծնված լինի Երուսաղեմում։ Սա այն քաղաքն է, որտեղ XVIII դարի սկզբներին գոյություն ունեին բազմաթիվ հայկական, հունական, ռուսական և այլ եկեղեցիներ, որոնց պատերը զարդարված էին անթիվ և անհամար սրբապատկերներով։ Հովհաննեսը, ծնվելով և մեծանալով Երուսաղեմում, հավանաբար դարավոր ս. Հակոբյան վանքի շրջակայքում, որտեղ գրեթե միշտ ապրում էին այդ գաղութի հայերը, մանկությունից տեսել է այդ հնադարյան քաղաքի բազմաթիվ վանքերի և եկեղեցիների պատերից կախված սրբապատկերները և կրել նրանց ազդեցությունը։

1745 թ. առաջ Հովհաննեսը սովորել է զբաղված պետք է լինել նկարչությամբ և մասնագիտացած եկեղեցական սրբանկարներ ստեղծելու մեջ։ Եթե մեր ենթադրությունը ճիշտ է, ապա նա պետք է որոշ աշխատանքներ թողած լինել Երուսաղեմի և կամ Պաղեստինի հայկական այլ վանքերում, և կամ Կահիրեի հայկական եկեղեցիներում։ Սակայն դժբախտաբար այդ մեզ անհայտ է մինչև օրս։

Բանասեր Ա. Գարտաշյանը գրում է. «Եկեղեցվո (Կահիրեի հայկական ս. Մինաս մատուռ—ն. Մ.) խորանին ետին, պահարանին մեջ. փայտյա հին նկար մը, Պողոսի և Պետրոսի առաքելույն, հիշատակ է վանցի մատ. Աննայի որդի Պետրոսի ի թվին ՌՃՂՋ (1747)¹²։ Այս նկարի թվականը համապատասխանում է Հովհաննես Երուսաղեմացու Եգիպտոսում եղած ժամանակաշրջանին։ Անձամբ մենք որոնեցինք այս նկարը, որպեսզի կարողանայինք բաղդատել Հովհաննեսի նկարների հետ, սակայն դժբախտաբար չգտանք, ուստի չենք կարող ասել՝ Հովհաննեսի գործն է այն, թե ոչ. Հստ երևույթին նկարի վրա նկարիչը չի թողել իր անունը։

Երուսաղեմի հայկական վանքում կան երկու այլ Հովհաննես նկարիչների սրբանկարներ։ Մեկը հայտնի է Հովհաննես Ճգնավորյան անունով, ապրել է XIX դարում, ունի մի քանի նկարներ, որոնց թվականն է 1880-ը¹³։ Սա ցույց է տալիս, որ Հովհաննես Երուսաղեմացին և Հովհաննես Ճգնավորյանը նույն անձը չեն կարող լինել, որովհետև մեկ դարից ավելի մի ժամանակաշրջան է բաժանում երկուսին։ Մյուսը կոչվում է տիրացու Հովհաննես կամ Հովհաննես սարկավազ¹⁴, որ ապրել է XVIII դարի առաջին կեսին և Երուսաղեմի հայկական վանքում թողել է բազմաթիվ մեծածավալ սրբանկարներ 1723—1727 թթ.։ Վերջինիս և Հովհաննես Երուսաղեմացու թվականները թեպետև մոտենում են իրարու, 1727-ից 1745 թթ., սակայն նկատի ունենալով, որ նրանց թողած ժառանգության մեջ ոճական ու կոմպոզիցիոն զգալի տարբերություն կա, կարծում ենք, որ սրանք տարբեր անձեր են։

Հարց է առաջանում՝ հոգևորական է եղել Հովհաննես նկարիչը, թե աշխարհական։ Այս մասին էլ ոչ մի տեղ ոչ մի ակնարկություն չկա։ Ակադեմիկոս Հ. Աճառյանը տալիս է մի երկար ցուցակ Հովհաննեսների (1397 հատ), սակայն դժբախտաբար չի հիշում մեր նկարչին¹⁵։ Գալով պատմիչ Հաննա Երուսաղեմացուն¹⁶, որ եղել է հոգևորական և պատրիարքական փոխանորդ Երուսաղեմի Հովհաննես Կոլոտ և Գրիգոր Շղթայակի պատրիարքների ժամանակ, ապա նա մահացել է 1733 թ. և նկարչությամբ չի զբաղվել։ Սա գրել է Երուսաղեմի պատմությունը, հետևաբար նրան չենք կարող նույնացնել նկարչի հետ։ Մի փոքր կանգ առանք այս պատմիչի վրա, որովհետև խնդրո առարկա մեր նկարիչն իր բազմաթիվ սրբանկարների տակ ստորագրել է նաև «Հաննա Երուսաղեմացի»։

Մաղաքիա արք. Սրմանյանն իր «Ազգապատում»-ի մեջ ոչ մի հիշատակություն չունի Հովհաննես նկարչի մասին։

12 Արտաշես Հ. Գարտաշյան, Նյութեր Եգիպտոսի հայոց պատմության համար. Պատմություն Եգիպտոսի եկեղեցիներու և գերեզմանատուներու, Կահիրե, 1943, էջ 25։

13 Մանրամասնությունները քաղել ենք Կյուրեղ վրդ. Գաբրիկյանի Երուսաղեմից մեզ գրած 22 սեպտ. 1959 թ. նամակից։

14 «Հասկ» հայագիտական տարեգիրք, Գ տարի, 1957, Անթիլիաս, Լիբանան, տե՛ս Գաբրիել կթղ. Հովսեփյանի «Տիրացու Հովհաննես, տաղանդավոր նկարիչ ԺԸ գարու առաջին քառորդում» հոդվածը, էջ 26—52։

15 Հ. Աճառյան, Հայոց անձնանունների բառարան, հատոր Գ, Երևան, 1946, էջ 537—705։

16 Նույն տեղում, էջ 49։

Մկրտիչ եպ. Աղավնունին իր աշխատության մեջ երկու տողով հիշատակում է մի անձնավորություն՝ Շավհաննիս վարդապետ Եղիպտոսի¹⁷ անվան տակ, որ ծնվել է 1731 թ. և վախճանվել 1795-ին, եղել է Երուսաղեմի հայոց վանքի միաբանության անդամ և պաշտոնավարել Եղիպտոսի հայ եկեղեցում։ Սակայն նկատի առնելով մեր Հովհաննեսի նկարչական գործունեության ժամանակաշրջանը Եղիպտոսում (1745—1783 թթ.), պարզ տեսնում ենք, որ սրանք երկուսը տարբեր անձեր են, քանի որ 1731 թ. ծնվածը չէր կարող 1745 թ. այսինքն 14 տարեկան հասակում, վարպետորեն սրբապատկերներ նկարել Եղիպտոսում։

Մեր կարծիքով Երուսաղեմացի Հովհաննես հայազգի նկարիչը եղել է աշխարհական, այլապես մեզ հասած իր բազմաթիվ նկարներից մեկնում երևում գոնե պետք է մի փոքր հիշատակություն թողած լիներ իր հոգևորական լինելու մասին։ Սակայն այդպիսին չկա բոլորովին Մի հանդամանք ևս. եթե նա քահանա կամ վարդապետ եղած լիներ, ապա չպիտի կարողանար այդքան շատ թվով նկարներ ժառանգություն թողնել եկող սերունդներին, քանի որ ի պաշտոնե պետք է զբաղված լիներ վարչական և կամ հոգևորական այլ գործերով։ Մի վերջին ենթադրություն ևս. հայ եկեղեցու հոգևորականը երգվում է ծառայել իր ժողովրդին, ազգային եկեղեցուն, և չէր կարող թողնել իր եկեղեցին, այն էլ չորս տասնամյակ շարունակ, և ծառայել մի օտար միջավայրում, որպիսին է այս դեպքում ղպտի եկեղեցին, թեև վերջինս միշտ սերտ կապի մեջ է եղել հայ եկեղեցու հետ։



1778 թ.



1779—80 թթ.

Նկարիչ Հովհաննես Երուսաղեմացին զանազան արվեստագետների և բանասերների կողմից ներկայացվում է տարբեր անուններով և ձևերով։

Ղպտի Մարկոս Սիմայկա փաշան Կոպտական թանգարանի արաբերեն կատալոգի Ա հատորում (1930 թ.) անունը տալիս է այսպես *حنا الارمني القدس* Հաննա էլ-Արմանի էլ-Քուտսի, այսինքն՝ Հաննա հայազգի Երուսաղեմացի (էջ 191), իսկ նույնի Բ հատորում (1932 թ.) տալիս է պարզապես *حنا الارمني* Հաննա էլ-Արմանի, այսինքն՝ Հաննա հայազգի (էջ 4

¹⁷ Մկրտիչ եպ. Աղավնունի, Միաբանք և այցելութ հայ Երուսաղեմի, Երուսաղեմ, 1929, էջ 378։

և 30): Նույն անձնավորությունն այդ նույն կատալոգի ֆրանսերեն թարգմանության մեջ (1937 թ.) արաբերեն «Հաննա» անունը թարգմանելով ֆրանսերենի բազմաթիվ էջերում (58, 72, 73, 76, 77, 81), տալիս է Jean l' Arménien ձևով, այսինքն Հովհաննես հայազգի:

Անգլիացիներ Մուլոքը և Լանգդոնը 1946 թ. լույս ընծայած իրենց գրքում, որ միջազգային համրավի արժանացրեց Հովհաննեսի գործերը, նկարչի անունը տալիս են այսպես՝ Yuhanna the Armenian of Jerusalem—Յուհաննա հայազգի Երուսաղեմացի:

Հակոբ Նալբանդյանն ընկնելով թյուրիմացության մեջ գրում է հետևյալը. «...Ավելորդ չեմ նկատեր ճշտել թե՛ հիշատակված երկու անունները (խոսքը Իբրահիմի և Հովհաննեսի մասին է— Ն. Մ.) մեկ անձ են: Նկարիչը կկոչվի իրականին մեջ՝ Իբրահիմ Յուհաննա էլ Արմանի էլ Կուտցի. հայտնի է ուրեմն, որ ան ազգով հայ էր և Երուսաղեմացի¹⁸: Հանգուցյալ բանասերը թյուրիմացարար շփոփության մեջ ընկնելով կարծել է, թե այդ երկու նկարիչները նույն անձնավորությունն են, և երկուսի անունները միացնելով «Իբրահիմ Յուհաննա» է դարձրել: Այս լուսարանությունը գրելու ժամանակ լինելով Ալեքսանդրիայում, նա հնարավորություն չի ունեցել սրբանկարների ստորագրությունները կարդալու և անունները ստուգելու հին Կահիրեի ղպտի եկեղեցիներում, որի պատճառով ակամա թույլ է տվել այդ սխալը: Որևէ կասկած չի հարուցում, որ նրանք տարբեր անձեր են, որովհետև շատ նկարների տակ շատ պարզ կերպով գրված է այսպես. «Գործ Իբրահիմի և Յուհաննայի»:

Օ. Ավետիսյանն էլ «Անի» ամսագրում (1948 թ.) գրած հոդվածում նկարչի անունը նշում է «Յուհաննա էլ էրմենի» ձևով, իսկ 1959 թ. լույս ընծայած «Հայ նկարիչներ և քանդակագործներ» վերնագրով իր ֆրանսերեն գրքում մի փոքր շեղվելով, հիշյալ անունը տալիս է այսպես՝ Yohanna El Arméni—Յոհաննա էլ Արմենի:

Այժմ տեսնենք, թե նկարիչն անձամբ ինչ ստորագրություն է թողել իր նկարների տակ: Մեզ ծանոթ 300-ից ավելի սրբապատկերներից շատերի տակ նա իր անունը գրել է պարզապես  «Հաննա» ձևով, հատկապես վերջին տարիների իր գործերում, իսկ սկզբնական շրջանում ստորագրել է  —«Յուհաննա» ձևով, հատկապես այն բոլոր նկարների տակ, երբ Իբրահիմն ու Հովհաննեսը գործել են միասին: Այդ բոլոր նկարների մեջ բացառություն է կազմում միայն մի սրբապատկեր¹⁹, որի տակ նկարիչը թողել է իր անունն ու հայրանունը  —«Հաննա Կարապետ» ձևով՝ այսինքն «Հաննա Կարապետ»: Այդ նկարը կատարված է 1782 թ., նկարչի ստեղծագործության վերջին շրջանում:

Օ. Ավետիսյանը «Անի» ամսագրում տպած իր հոդվածում նշում է, որ Կարապետը պետք է Հովհաննեսի հայրանունը լինի²⁰: Իսկ Մուլոքը և Լանգդոնը կարծում են, որ «Յուհաննա Կարապետ» անունն արաբերեն համարժեքն է «Օհան Կարապետ և կամ Կարապետյան» հայերեն անուն-ազգանվան²¹: Մեր կարծիքով ճիշտ է Օ. Ավետիսյանը և «Կարապետ»-ը պետք է նկարչի հայրանունը լինի, քանի որ ինչպես Ռուսաստանում, այնպես էլ Եգիպտոսում և արաբական այլ երկրներում սովորություն էր, որ որդին իր հայրանունով ճանաչվի, մի սովորություն, որ շարունակվում է մինչև այսօր: Միայն թե անցյալում «Իրեն», այսինքն որդի բառն էր ավելացվում: Օրինակ՝ «Ահմեդ իրն Մուհամմեդ» — Մուհամմեդի որդի Ահմեդ, իսկ այժմ օգտագործվում է առանց «Իրեն» բառի: Ուստի «Հաննա Կարապետ»-ը²² պարզապես պետք է լինի նկարչի անուն-հայրանուն:

¹⁸ «Արաքս» շաբաթաթերթ, Ալեքսանդրիա, 1946, 2 նոյեմբերի, տե՛ս «Նկարիչի մը մասին լուսարանություն» հոդվածը:

¹⁹ Սրբապատկերը գտնվում է Կահիրեի Ֆուլ-Խալիդ թաղամասում եղող կոպտական ս. Մինաս եկեղեցուն կաած և այդ եկեղեցու աջակողմում գտնվող Մարի Բանային (ս. Բեհնամ) նվիրված փոքրիկ մատուռում: 1948 թ. մեր տեսած ժամանակ այդ նկարը (որ ներկայացնում է ս. Բեհնամը) գրված էր մատուռի դռան դիմացի պատի տակ դեպի ձախակողմը. դետնի վրա և պատին հենած: Բավականին մեծ չափսերի նկար է այն:

²⁰ «Անի» ամսագիր, Բեյրութ, Գ տարի, 1948, նոյեմբեր, № 1(25), էջ 37:

²¹ C. Mulock, M. T. Langdon, The Icons of Yuhanna and Ibrahim the Scribe, London, 1946, էջ 12:

²² Փաստեր կան ենթադրելու, որ հավանաբար Հովհաննեսի հայրն էլ՝ Կարապետը, իր ժամանակին սրբապատկերների վարպետ նկարիչ է եղել: Վերջերս Հալեպի հայկական «Քառասուն մանկանց» XVI դարի աթոռանիստ եկեղեցում հայտնաբերվել է մի մեծ նկար, 4.75X7 մետր հսկայական ծավալով, որը պատկերացնում է «Ահեղ դատաստանը»: Սրա հեղինակն է հայազգի

ներ, ինչպես ընդունված էր արարների մոտ: Նկարչի անվան զանազան փոփոխականները (Հաննա, Յուհաննա, Յոհաննա, Օհան և այլն) այսպես մանրամասն քննելուց հետո, մենք կարծում ենք, որ նրան պետք է կոչել իր մկրտության հայկական անունով՝ Հովհաննես և նրա անունը մեր արվեստի պատմության մեջ պետք է մտնի Հովհաննես Ուրուսաղեմացի ձևով, այն մակդիրով, որ ինքը միշտ օգտագործել է, ցույց տալու համար իր ծննդավայրը:

Երուսաղեմացին մեծ ժառանգություն է թողել: Այժմ մեզ ծանոթ են նրա բեղմնավոր ստեղծագործության արդյունքը հանդիսացող 324 մեծ ու փոքր սրբանկարներն ու որմնանկարները, որոնք գտնվում են ներկայիս Կահիրեի Կոպտական թանգարանում, դպտի երկու վանքերում և ութ եկեղեցիներում: Ստորև տրվում է Հովհաննես Երուսաղեմացու, ինչպես նաև նրա ու իրահիմի համատեղ նկարած այն զործերի ցուցակը, որոնք կրում են ճշգրիտ թվական:

Ի դեպ պետք է նշել, որ Հովհաննեսը իր նկարների տակ շատ անգամ տալիս է դպտիների (Մարտիրոսաց—Շրհուդա կոչեցյալ, որ սկսվում է մ. թ. 284 թ., Դիոկղետիանոսի (284—305 թթ.) կայսրության առաջին տարուց), նաև Հիշրայի (622 թ.) թվականները, երբեմն էլ երկուսը միասին, և շատ քիչ անգամ տալիս է մեր թվականության տարեթիվը: Մեզ ծանոթ այդ բոլոր նկարներից միայն երկուսի վրա թողել է հայոց թվականը, հայկական տառերով: Մարտիրոսաց տարեթիվը համընկնում է մ. թ. տարեթվին, իսկ մահմեդական տարին 11 օր ավելի կարճ լինելով, Հիշրայի արարական տարեթիվը չի համընկնում մեր տարեթվին և որոշ տարբերություն է տալիս: Այդ պատճառով այն դեպքերում, երբ միայն արաբական տարեթիվն է տրված Հովհաննեսի

Հովհաննեսի՝ թվական կրող նկարների ցուցակն ըստ տարիների

Տարեթիվը	Մտորադրու- թյունը կա	Մտորագրու- թյունը չկա	Հնդհասուր դումարը
1759	1	—	1
1764	1	—	1
1768	—	1	1
1771	—	1	1
1772	8	1	9
1774	1	—	1
1775	—	1	1
1776	7	—	7
1776/7	18	—	18
1777	27	2	29
1778	2	7	9
1778/9	2	—	2
1779	—	9	9
1779/80	1	—	1
1780	25	14	39
1781/2	—	9	9
1782	1	3	4
1782/3	—	2	2
1783	—	1	1
1783/4	—	1	1
	94	52	146

մահտեսի Կարապետը, իսկ թվականը՝ 1708: Նկարի վրա կան արաբերեն և հայերեն գրություններ (տե՛ս Վ. Գրիգորյանի հոդվածը «Սովետական Հայաստան» օրաթերթում, 11 հոկտ. 1966, «Հայերեն վիճագիր արձանագրություններ սիրիական անապատում» վերնագրով): Ամենայն հավանականությամբ Կարապետը 1708 թ. Հալեպի սույն նկարը վերջացնելուց հետո անցել է Երուսաղեմ, անշուշտ այնտեղ աշխատելու համար: Իր որդու՝ Հովհաննեսի ծնունդը տեղի պետք է ունեցած լինի այդ քաղաքում, մոտավորապես 7—9 տարի հետո: Տրամաբանորեն կապակցություն ենք գտնում Կարապետի և Հովհաննեսի միջև հետևյալ փաստերից ելնելով. Կարապետ անվան նույնությունը, թվականի մոտիկությունը, Կարապետի մահտեսի լինելը (որով պետք է անպայման Երուսաղեմ այցելած լիներ), նաև այդ նկարի վրա առկա արաբերեն արձանագրությունը և, վերջապես, Հալեպ և Երուսաղեմ քաղաքների մոտիկությունը: Եթե հետագա փաստերը զանապա-
ցուցելու մեր ենթադրության ճշտությունը, ապա պարզ կլինի, որ Հովհաննեսը իր արվեստը ձեռք է բերել հորից, մի բան, որ միջնադարում սովորական և ընդունված երևույթ էր:

նկարների տակ, երբեմն հնարավոր չի լինում մ. թ. ճշգրիտ տարին տալ, դրա համար ստիպված տալիս ենք երկու տարեթվեր, այսպես, օրինակ, Հիշրայի 1190—մ. թ. 1776/7 թթ.:

Իրրահիմի և Հովհաննեսի համատեղ նկարած, թվական կրող
նկարների ցուցակն ըստ տարիների

Տարեթիվը	Անունները կառ	Անունները չկան	Ընդհանուր դուամարը
1745	2	1	3
1747	9	—	9
1748	2	—	2
1750	1	—	1
1752	11	—	11
1753	1	1	2
1755	1	—	1
	27	2	29

Պետք է ասել, որ վերևում տրված երկու ցուցակները թերի են, չեն ընդգրկում Հովհաննեսի և իր ընկերոջ հետ նկարած բոլոր նկարների շարքը: Առաջին ցուցակում ցույց են տրված Հովհաննեսի թվական կրող 94 նկարները և այն 52 կտորները, որոնք անվիճելի կերպով Հովհաննեսի վրձինն են պատկանում, իսկ երկրորդ ցուցակում ցույց են տրված Իրրահիմի և Հովհաննեսի համատեղ ստորագրությամբ և թվական կրող 27 նկարները և այն 2 կտորները, որոնք մեր կարծիքով երկուսի միացյալ աշխատանքի արդյունք են:

Այս ցուցակներից հստակ կերպով պարզվում է, որ առաջին 11 տարիներում (1745—55 թթ.) երկու նկարիչները ղպտի եկեղեցիները սրբանկարներով նկարազարդելու համար գործել են միասնաբար: 1755 թ. հետո երկուսն էլ աշխատել են առանձին-առանձին: Իրրահիմի մեզ հայտնի ամենաուշ կատարած սրբանկարը կրում է 1772 թ. որից հետո այլևս չենք հանդիպում նրա գործերին: Ըստ երևույթին նա կամ մահացած պետք է լինի, կամ ասպարեզից քաշված՝ հիվանդության կամ ծերության պատճառով:

Հովհաննես Երուսաղեմացու ստորագրությամբ սրբանկարների հանդիպում ենք մինչև 1783/4 թթ.: Այլ խոսքով Իրրահիմից հետո նա վրձինը վար չի դրել շուրջ 11—12 տարի ևս: Հովհաննեսի ամենաուշ թվական կրող գործի վրա թեպետև ստորագրություն չի երևում սրբված և եղծված լինելու պատճառով, սակայն ոճից դատելով անվարան կարելի է ասել, որ Հովհաննեսի վրձինն է պատկանում: Այս նկարը փոքր չափի է (25.5×41 սմ) և այժմ գտնվում է Կաս-

№	Եկեղեցի, վանք կամ թանգարան	Հասնա		Իրրահիմ և Հաննա		Ընդհանուր դուամարը
		անվիճելի	ստորագրված	անվիճելի	ստորագրված	
Ա	Ս. Կուլյսի եկեղեցի (էլ-Մուսլլաբա)	43	23	—	1	67
Բ	Ս. Սարգսի » (Աբու-Մարգա)	15	27	1	—	43
Դ	Ս. Կուլյսի » (էլ-Աղրա, Կասրիյաա էր-Ռիհան)	8	20	—	—	28
Դ	Ս. Գևորգ վանք (Դեյր էր-Ռահրաթ)	—	1	—	—	1
Ե	Ս. Վառվառայի եկեղ. (Սիտա Բարրարա)	—	31	1	—	32
Զ	Ս. Մերկեոթոսի » (Աբուլ Սեյֆեյն)	23	54	21	—	98
Է	Ս. Մերկեոթոսի վանք (Դեյր Աբուլ Սեյֆեյն)	—	—	—	1	1
Ը	Ս. Կուլյսի եկեղեցի (էլ-Աղրա, Դամշիրիյա)	6	9	3	—	18
Թ	Ս. Մինաս » (Ֆուլ էլ-Մալիգի)	10	4	3	1	18
Ժ	Ս. Կուլյսի » (Հաբեթ էլ-Ջուելայի)	—	1	—	—	1
ԺԱ	Կոպտական թանգարան (Հին Կահիրե)	—	14	3	—	17
		105	184	32	3	324

րիյատ էր-Ռիհանի կոպտական ս. Կույսի եկեղեցում: Կրում է արարական 1198 տարեթիվը, որ համապատասխանում է մ. թ. 1783/4 թթ.

Վերոհիշյալ ցուցակներից երևում է նաև, որ երկու նկարիչների համագործակցության տարիներին նրանք աճենաշատը նկարել են 1747 և 1752 թթ.. առաջին տարին նկարելով 9 կտոր, իսկ երկրորդ տարին՝ 11: Հովհաննեսի համար ամենաբեղմնավոր տարիները հանդիսացել են 1776/7 թթ. (54 կտոր) և 1780 թ. (39 կտոր):

Հովհաննես Երուսաղեմացին իր շուրջ շորս տասնամյակ ստեղծագործական աշխատանքի ընթացքում թողել է մի քանի հարյուր մեծ ու փոքր սրբանկարների մի մեծ ժառանգություն, որից 324 կտոր այժմ պահվում է Կահիրեի կոպտական զանազան եկեղեցիներում, վանքերում և թանգարանում: Վերևում տրված է այդ գործերի ցուցակն ըստ վայրի, նշելով Հովհաննեսի վրձինն պատկանող մեզ այժմ ծանոթ նկարների թիվը:

Մենք Եգիպտոսից բերել ենք այս նկարներից կարևորագույնների չափադրությունը, նկարագրությունը, տեղեկություններ թվականի, ստորագրության և այլ կարգի մանրամասնությունների մասին, ընդամենը 165 ձևագիր էջ: Մեզ մոտ են գտնվում այդ սրբանկարների ֆոտոպատճենները և դրանց սև ծալավենները, որոնք կհրատարակենք հետագայում, ինչպես նաև նկարների ընդհանուր ցուցակը:

Եթե ներկայումս Եգիպտոսում ապրող հայ բանասերներն ու արվեստագետները շարունակեն փնտրել Հովհաննեսի գործերը, ապա համոզված կարելի է ասել, որ կհայտնաբերեն նոր սրբանկարներ և գուցե նաև որմնանկարներ, ավելի մեծ թվով:

Մեր կարծիքով նրա աշխատանքներից այլ գործեր պետք է լինեն նաև՝

ա. Կահիրեի Հարեթ էլ-Ջուելա թաղամասի էլ-Աղրայի (ս. Կույսի անվան նվիրված) կոպտական եկեղեցում, ինչպես նաև այդ շենքի երկրորդ հարկում գտնվող կույր մայրապետների վանքում:

բ. Հին Կահիրեի կոպտական թանգարանի պահեստում:

գ. Կահիրեի, ինչպես նաև Ստորին և Վերին Եգիպտոսների կոպտական միջնադարյան բազմաթիվ եկեղեցիներում և վանքերում, որոնց այցելելու առիթը չունեցանք մենք:

Հովհաննես Երուսաղեմացու ամբողջական գործերի մասին տեղեկություն ունենալու համար հարկավոր է նաև որոնումներ կատարել.

դ. Երուսաղեմի հայկական և կոպտական վանքերում և եկեղեցիներում:

և. Մոսկվայի Տրետյակովյան, Լենինգրադի Էրմիտաժի և Բեռլինի պատկերասրահներում, Փարիզի Լուվրի, Լոնդոնի Բրիտանական և Նյու-Յորքի Մետրոպոլիտեն թանգարաններում գուցե նույնպես գտնվեն Հովհաննեսի վրձնի արգասիք հանդիսացող նմուշներից:

Անգլիացիներ Մուլոբը և Լանգդոնը իրենց հայտնի գրքում տալիս են կոպտական եկեղեցիների սրբանկարներից 20-ի մեծադիր լուսանկարները և յուրաքանչյուրի վրա գտնվող արարերն ու կոպտերն գրությունների անգլերեն թարգմանությունը²³: Այդ 20 նկարներից 8-ը պատկանում են Հովհաննեսին, 5-ը՝ Իրրահիմին, 3-ը կրում են երկուսի անունները, իսկ 4-ը՝ անստորագիր են:

Մարկոս Սիմայկա փաշան կոպտական թանգարանի ֆրանսերեն կատալոգում (ավելի նվազ չափով արարերն հատորում) թեպետև ավելի երկար է կանգ առնում և տալիս հիշյալ եկեղեցիներում և մյուս վայրերում գտնվող սրբանկարների ցուցակները, նշելով հեղինակների անունները. սակայն շատ անգամ էլ լռելային է անցնում հեղինակների վրայից: Պետք է ասել, սակայն, որ հատկապես ֆրանսերեն կատալոգում կան Հովհաննեսի նկարների բազմաթիվ ֆոտոպատճեններ:

Օ. Ավետիսյանն «Անի» ամսագրում տպած իր ուսումնասիրության մեջ²⁴ և հետագայում լույս ընծայած իր «Հայ նկարիչներ և քանդակագործներ» վերնագրով ֆրանսերեն գրքում²⁵ Հովհաննեսի գործերի թիվը հասցնում է 120-ի, հողվածում տալով երեք, իսկ գրքում՝ չորս (որից մեկը գունավոր) սրբանկարների մեծադիր գեղեցիկ լուսանկարները: Արվեստագետն «Անի»-ում տրված երեք նկարների տակ տալիս է նաև դրանց հիշատակարանների մանրամասն հայերեն թարգմանությունը:

Մենք Հովհաննեսի գործերի թիվն այժմ հասցնում ենք 324-ի, որի ամբողջական ցուցակը²⁶ ընդգրկելով նկարների անունը կամ սյուժեն, հաճախ նաև հեղինակի ստորագրությունն ու թվա-

²³ Նկարների ցուցակը տե՛ս հիշյալ գրքում, էջ 63:

²⁴ Տե՛ս «Անի», Բեյրութ, 1948, նոյեմբեր, էջ 34:

²⁵ Տե՛ս հիշյալ գիրքը, էջ 120:

²⁶ Անշուշտ, առայժմ մեզ ծանոթ նկարների մասին է խոսքը:

կանոն, պատրաստի ունենալ ձեռքի տակ: Ինչպես երևում է վերևում տրված ամփոփ ցուցակից, 105 կտոր կրում են Հովհաննեսի ստորագրությունը, իսկ 32 կտոր՝ նույնի և իր ղպտի ընկերոջ անունները: Սրանցից բացի երեք նկարներ, նկատի ունենալով նրանց թվականը, ոճը կամ նրանց վրա կոպտերեն գրված անունները, կարելի է ենթադրաբար համարել երկուսի միացյալ աշխատանքի արդյունքը, իսկ մնացած անստորագիր նկարների մեծ մասը (184 մեծ ու փոքր գործերը) կարծում ենք, որ պատկանում են Հովհաննեսին:

Ի դեպ պետք է նշել, որ Հովհաննեսի նկարած գործերի վրա գրեթե միշտ արաբերեն տառերով ու թվերով է գրված սրբանկարի հիշատակարանը և միայն շատ քիչ անգամ կոպտերեն արձանագրություն կա նրանց վրա (այն էլ հաճախ սրբի անունը միայն): Իսկ Իբրահիմի կամ երկուսի միացյալ նկարած գործերի վրա գրեթե միշտ արաբերենի կողքին կոպտերեն կա գրված, թվականն արաբերենի հետ միշտ էլ կրկնվում է կոպտերենով: Այս հանգամանքը խոսում է այն մասին, որ ըստ երևույթին Հովհաննեսը կոպտերեն չի իմացել:

Ինչ վերաբերում է Հովհաննեսին վերագրվող 184 անստորագիր²⁷ գործերին, մենք էլ առանց վերապահության համաձայն ենք Օ. Ավետիսյանի հետ, որ գրում է. «...կարելի է ըսել թե նույն այս եկեղեցիներուն մեջ կան տակավին բազմաթիվ նկարներ, որոնք, թեև անստորագիր, բայց դատելով անոնց ոճեն, հնության աստիճանեն, գործածված նյութեղենեն, ոմանց կրած թվականներեն և այլ հատկություններեն, կրնան վստահորեն վերագրվիլ Յուհաննային»²⁸:

Վերահիշյալներից բացի, Հովհաննեսի նկարներն այլ նկարիչների գործերից զանազանելու համար հարկավոր է նկատի առնել նաև սրբապատկերների շրջանակները: Հովհաննեսինը բոլորովին տարբեր են մյուս նկարիչների շրջանակներից:

Պետք է ասել, որ վերահիշյալ կոպտական եկեղեցիներում և վանքերում Հովհաննեսի ու Իբրահիմի XVII դարի սրբանկարներից բացի կան նաև ավելի ուշ և վաղ²⁹ շրջանների ղպտի և օտարազգի այլ նկարիչների ուրիշ բազմաթիվ նկարներ:

Հովհաննես նկարչի մասին մի վերջին հանգամանք ևս: Պարզվում է, որ նա սրբանկարներ է նկարել ոչ միայն ղպտի վանքերի և եկեղեցիների համար, այլև ղպտի առանձին անձնավորությունների հատուկ պատվերով, նրանց տան համար: Այժմ, օրինակ, հին Կահիրեի ս. Կույսին նվիրված էլ-Մուլլաքայի եկեղեցում գտնվող «Սրբուհի Դամիանոսն ու 40 կույսերը» ներկայացնող երկու նկարները (առաջինը № 51, 1776 թ. և 92×90 սմ չափերով, իսկ երկրորդը № 52, անթվական և 43×61 սմ չափերով) ունեն հետևյալ արաբերեն հիշատակարանը. «Գործ Հաննա հայազգու, հանգուցյալ վարպետ Միխայիլ Ֆայդաուի որդի վարպետ Գրգիսի տան համար»³⁰:

Մեզ ծանոթ սրբապատկերների մեծ մասը, սակայն, նկարված է, անկասկած, հոգևոր հիմնարկների համար: Այն նկարների հիշատակարաններում, որոնք պատվիրված են եղել ուղղակի եկեղեցիների կամ վանքերի կողմից, երբեմն գրված է և երբեմն էլ չի գրված այս մասին, սակայն անհատների կողմից պատվիրված նկարների հիշատակարանում անպայման նշված են պատվիրատուի և երբեմն էլ նրա ընտանիքի անդամների անունները: Կասրիյատ էլ-Ռիհանի ս. Կույսի եկեղեցում գտնվող «Հրաշագործ ս. Մինաս» նկարը պատվիրված է «ավագ քահանա հանգուցյալ Սուլեյման Աբու Տակիյայի որդի վարպետ Անտունիի» կողմից³¹, իսկ էլ-Մուլլաքայի ս. Կույսի եկեղեցում գտնվող «Ս. Ոստիկոս ճգնավոր» նկարը պատվիրված է «վարպետ Էբեյի-դի, իր կնոջ և իր Մարիամ աղջկա» կողմից³²:

Հովհաննեսը համեստորեն միշտ իր անվան կողքին գրել է الحقم (խոնարհ) բառը, մի քանի, որ շատ է հիշեցնում «անարժան, փոքր, եղկելի, աղքատ, մեղապարտ...» և միևնույն ժամանակ աշխատասեր մեր գրիչներին: Բայց դա չի խանգարել, որ նրա կատարածը բարձր գնահատեն հետապալում օտար և հայ մասնագետները:

27 Սույն 184 գործերի մի մասը ստորագրություն և թվական չի ունեցել ժամանակին, իսկ մնացածներինը կամ ժամանակի ընթացքում սրբվել և անընթեռնելի են դարձել և կամ շրջանակի ու ծեփի տակն են մնացել, որի պատճառով մենք չկարողացանք սեփական աչքով տեսնել և նոթագրել: Հատկապես հեղինակի անունն ու թվականը գրեթե միշտ գրված են եղել հիշատակարանի վերջում, դրա համար մնացել են ծեփի կամ շրջանակի տակ:

28 Տե՛ս «Անի», 1948, նոյեմբեր, էջ 36:

29 XV—XVII դարերից, մինչև իսկ XII դարից (տե՛ս Կոպտական թանգարանի 1937 թ. ֆրանսերեն կատալոգը, էջ 46, № 3370 նկարը):

30 Նույն տեղում, էջ 60:

31 Մուլլաքի և Հանգոյնի նշված անգլերեն աշխատությունը, էջ 52:

32 Նույն տեղում, էջ 60:

Սիմայկա փաշան, խոսելով Կոպտական թանգարան տեղափոխված սրբանկարների մասին, գրում է, որ «ամենագեղեցիկները տակավին գտնվում են տեղում, հին Կահիրեի Արու-Սեյֆեյն եկեղեցում, որտեղ այցելուն գտնելու է լավագույն նմուշները»։ Ակնարկությունն անշուշտ Հովհաննեսի նկարների մասին է։ Այս եկեղեցում նա ունի միայն 98 կտոր, որից 21-ը ղպտի Իրահիմի հետ է նկարել։ Ապա շարունակելով, Սիմայկա փաշան գրում է. «Այս եկեղեցին ունի սրբապատկերների ամենահարուստ և ամենակարևոր հավաքածուն»³³։

Մուլոթի և լանգդոնի կարծիքով ղպտի և հայ նկարիչների միացյալ նկարած գործերի մեջ «վարպետի ձեռքը» (masterhand) պատկանում է Հովհաննեսին³⁴։

Կահիրեաբնակ արվեստաբան է. Լուկիանոֆը, կրկնելով հանդերձ նախորդների այն կարծիքը, թե Հովհաննեսը հունական դպրոցի հետևող է, իր մի հողվածում շատ բարձր է գնահատում նրան³⁵։

Ահա թե ինչ է գրում Օ. Ավետիսյանը.

«Լավագույն սրբապատկերները (խոսքը Կոպտական եկեղեցիների մասին է—Ն. Մ.) միշտ մի օտարականի են պատկանում, կամ հույնի և կամ շատ հաճախ մի հայի, Մասնավորապես Հովհաննես հայազգին, որ ընդօրինակեց հունական սրբապատկերները, հեղինակն է լավագույն նկարներից շատերի, որոնց թվականն է XVIII դարի կեսերը, և որոնք մաս են կազմում գրեթե բոլոր եկեղեցիների (ղպտի—Ն. Մ.) հավաքածուների. իսկ Արու Սեյֆեյնին ամենահարուստն է (էջ 24)։ ...XVIII դարի երկրորդ կեսին Կահիրեում ապրում էր մի սրբանկարիչ, որ կոչվում էր Հովհաննես հայազգի, նա հունական դպրոցի (—Ն. Մ.) աշակերտ էր և ընդօրինակում էր իր հեղինակությունները, կատարելով ղպտիների բազմաթիվ պատվերները այն ժամանակ վերանորոգվող նրանց եկեղեցիների համար, որտեղ այդ նկարները պահված են մեծ հարգանքով։ Նվիրվածացիորեն, որովհետև Հովհաննես հայազգու գործը զանազանվում է աչքի մի ակնարկով ղպտի կրոնական նկարչության աստիճանից»³⁶։

Արաբագետ Հակոբ Նուրանդյանն էլ Հովհաննեսի մասին գրում է.

«Եզրիպտոսի հայ գաղութին արվեստի պատմության համար տեղին է, որ այս առիթով անգամ մը ևս հիշվին, ժամանակակից տաղանդավոր հայ նկարիչներու պատվո շարքին, իրենց նախորդները, XII դարուն ապրող Թեոդորոսն և XVIII դարուն ապրող Իրահիմ (?—Ն. Մ.) Յուհաննան որուն ինքնատիպ նկարները արդիական աբժեք մը կստանան հանկարծ։ Այս առթիվ դարձյալ հարգանքի պարտականություն մը ունինք Իրահիմ (—Ն. Մ.) Յուհաննայի հանդեպ, որ ապրելով օտար հողի վրա և աշխատելով օտարներու համար, պատվո տիտղոս մը նկատած է իր հայությունը և իր նկարներուն ներքև իր ստորագրության կցած է միշտ ազգանունը (այսինքն ազգությունը—Ն. Մ.)՝ «էլ Արմանի»³⁷։

* * *

Հայ ժողովուրդը XVIII դարում իր հայրենիքում հեծում էր թուրքական և պարսկական բռնականությունների դաժան լծի տակ։ Հայաստանից հեռացող բազմաթիվ հայեր հայկական գաղթաշխատներում ապրող իրենց հայրենակիցների հետ եղան արհեստների և արվեստների տարածողներ։

Այս վերջիններից մեկն էլ Երուսաղեմացի Հովհաննես նկարիչն էր, որ XVIII դարի երկրորդ կեսում Եզրիպտոսի Կոպտական բազմաթիվ աղոթավայրերում գեղեցիկ կերպով ցույց տվեց արվեստագետի իր բազմաշնորհ հատկությունները։

Նաղաշ, Հակոբ և Հովնաթան Հովնաթանյանների հետ, Հովհաննես Երուսաղեմացին իր հարուստ վաստակով գալիս է հարստացնելու և փայլ տալու միջնադարյան մեր արվեստի պատմությանը։

³³ Guide sommaire du Musée Copte, le Caire, 1937, էջ 45, 80.

³⁴ Մուլոթ և լանգդոն, նշվ. աշխ., էջ 12.

³⁵ „Les Cahiers Coptes“, № 3, publiés par l'Institut Copte du Caire.

³⁶ Օնիկ Ավետիսյան, նշվ. աշխ., էջ 120.

³⁷ Տե՛ս «Արաբս», շաբաթաթերթ, Ալեքսանդրիա, 1946, 2 նոյեմբերի, «Նկարիչի մը մասին յուսարանություն» հոդվածը։